

DEDICATORIA.

Der Edlen / Bestrengen
vnd Ehrvesten Frawen ANNEN
von Bünow / gebornen Tyrnischin von Milen /
Frawen auff Zesschen vnd Bodenbach / Tyrnisch
vnd Steben / seiner gnedigen Lehnfrawen /
grossen Förderin vnd geliebten
Fraw Bevatterin /

Gottes Gnade vnd trost sey mit vns
allen / Amen.

Der Königliche Prophet Da-
uid / Edle / Bestrenge vnd Ehrveste
Fraw / gnedige Lehnfraw / klaget
nicht allein in seinem Psalmbuche hin
vnd wider vber menschliche Elend / son-
dern weist auch den rechten Hertz erquickende trost da-
wider / Nemlich Gottes Wort / damit sich ein bedrenge-
ter Christ im Creutze kan stärcken vnd auffhalten.
Sonderlich da er spricht: Das ist mein trost in mei-
nem Elende / dein Wort erquicket mich.

Denn wollen einen Christen seine Sünden na-

Psal. 119.
Oktonarij 7.
versu 2.

U ij gen